

DISPUTATIO INAUGVRALIS MEDICA
De
HERPETE,

Quam
SENSU & AVCTORITATE
GRATIOSISSIMÆ
FACVLTATIS MEDICÆ
IN ALMA NORICORVM VNIVERSITATE
ALTDORFFINA

pro
LICENTIA
SVMMOS IN ARTE MEDICA HONORES,
IMMVNITATES ATQVE PRIVILEGIA DOCTORALIA
ritè adipiscendi,

*Publico Eruditorum Examini
subjiciet*

CHRISTOPHORVS ERASMVS
GOCKELIVS,
Ulmenfis.

Ad d. 1. Martii, Anno M. DC. XCV.
horis locoq; consvetis.

Excudebat HENRICVS MEYER,
Acad. Typogr.

ILLVSTRISSIMO ac GENEROSISSIMO

S. R. I.

L. BARONI ac DOMINO,

DOMINO

CHRISTOPHORO

ERASMO,

L. BARONI à RACKNIZ,

Dynastæ in Perneck, S. Ulrich, Ober-
Marpurg, & Ober-Kinberg, Domino in Hauns-
heim, Bergenweiler, Brunnen & Dorn-
dorff &c. &c.

SERENISSIMI ac CELSISSIMI

ELECTORIS PALATINI RHENI

CAMERARIO

SPLENDIDISSIMO,

Domino suo maximè gratiofo.


S.

ILLVSTRISSIME ac GENEROSISSIME

Domine L. BARO,

Domine gratiosissime.

QUòd Divina favente gratiâ, post navatam in Turingensi & hâc Altdorffina Universitate studio Medico operam, hocce ad exoptatum finem perducere potuerim, & Amplissimæ Facultatis Medicæ consensu atqve decreto, post exantlata felici successu Examina, ad exhibendam Disputationem Inauguralem admissus fuerim, id omne TIBI Illustrissime ac Generosissime DOMINE L. BARO, Patrone summe, Tuæq; beneficentissimæ liberalitati debeo, qva mihi jam per aliquot annos frui licuit, non solum in Stipendii Geizighoferiani (cujus DOMINI FVNDATORIS memoria sit in benedictione) benignissima collatione, sed & incomparabilis Tui thesauri, & pretiosissimorum pignorum Croesi divitiis longè anteferendorum; Per-Illustrium videlicet & Generosissimorum FILIORVM, liberalibus artibus ac virtutibus indefesso molimine operam navantium, curæ meæ & inspectioni commissione, ac mediante hac gratiâ ad facienda cum ipsis itinera, nec minùs ad ulteriores majoresq; in arte Medica hinc inde faciendos profectus, multorumq; Doctissimorum simul ac Celeberrimorum



rum Virorum favorem, amicitiam, familiaritatem, & experientiam comparandam, occasione subministrata exoptatissimâ: Quapropter ut aliquod saltem devinctissimi animi mei existeret *τεκμήριον*, Disputationem hanc meam Inauguralem Tibi DOMINE GRATIOSISSIME offero, dedico, consecro, Tibique, ac Per-Illustribus & Generosissimis FILIIS, omnem fidem, integritatem, & candorem, in horum præcipuè, quantum in me erit, procuranda & tuenda bona valetudine ac vitâ, avertendisq; incommodis & periculis, sanctè polliceor, spondeo, juro; quod ipsum etiam opere, & si necessitas postularet, sanguine contestari, pro viribus contendam. Ceterum DEVM Ter Optimum Maximum feriis meis obsecro precibus, ut Te Illustrissime & Generosissime DOMINE L. BARO, cum tota Illustrissima stirpe, vitæ longævitate, aureæ pacis restauratione, prosperæ fortunæ affluxu, corporalibus item spiritualibusq; bonis atqve donis beare ac cumulare perpetuò velit.

ILLVSTRISSIMO ac GENEROSISSIMO

Domino L. BARONI,

Domino ac Patrono meo Summo
submissè colendo,

Devotissimus cilians

CHRISTOPHORVS ERASMVVS GOCKELIVS,
Med. Cand.



J. J.

P R Æ F A T I O.

Hippocrates in Epistola ad Damagetum, hominem totum ex natiuitate morbum esse, dum educatur inutilem, & alienum auxilium implorantem; dum crescit, protervum, insipientem, pedagogo opus habentem; dum in vigore, audacem, dum crescit miserabilem, ubi labores suos imprudenter recolit ac jactat, ex maternis enim uteri inquinamentis talem prodiisse, olim scripsit. Quæ Hippocratis verba quauquam in sensu morali præcipuè intelligi debeant, sicuti ex contextu lectori patebit, nihilominus in sensu etiam Medico accipi, hincq; totus ex natiuitate morbus, & ex uteri inquinamentis talis prodiisse, dici poterit: nec enim

enim internas solum corporis partes omnes & singulas multiplexprehendit morbus, quin & externas idem occupat, adeo ut Eustachius Rudius de affectibus externarum corporis partium libros VII. elaboratos luci publicae dederit; hos vero inter molestus quia satis est & turpis Herpes, eapropter post exantlata examina solennia ex Decreto Gratosissima FACULTATIS MEDICÆ in hac Alma Noricorum Altdorfina, eundem affectum in presente Disputatione Inaugurali descriptum publicae ventilationi exponere mecum constitui. Faxit Divinum Numen, ut negotium hoc cedat in Ter Sancti ejus nominis gloriam, & proximi salutem feliciter!

THESIS. I.

HErpes seu Herpeton, à verbo Græco ἑρπεῖν, & à Latino serpere serpigo, aliàs formica corrosiva, sive ignis facer Celso dictus, est inflammatio Erysipelacea in habitu corporis exteriori, cum pustulis hinc inde serpentibus & sese attollentibus pruriginosis, vel ulcusculis interiora versus rodentibus, à sero acri bilioso, falso, plus minus viscido, ad glandulas subcutaneas deposito, indeq; ad cutem cuticulamq; diffuso enata.

II.

Habeturq; duplex, nempe vel miliaris sive *κέρχελιας* *έρπης*, in quo conspiciuntur pustulæ plures instar seminis milii cuticulam in vesiculas attollentes, & exasperantes, vel exedens *έρπης* *έξιδρω* Græcis denominatus, Galeno absoluto nomine Herpes, & barbaris quibusdam ut Valesco, Herpestiomenus, notante *Petro Foresto Observat. Chirurg. lib. II. Observ. V.* in Scholio, ad interiora vergens cutemq; ipsam, imo carnem subjectam proximam, erodendo exulcerans & depascens: Addunt nonnulli veluti tertiam speciem illam, quando Herpes medium corporis truncum instar Zonæ, juxta ambitum diaphragmatis interiorem cingit, quæ eapropter à Plinio Zoster, à Scribonio Largo Zona appellatur.

III.

Morbum igitur constituit Herpes complicatum, ex intemperiei, magnitudinis auctæ, solutæ unitatis, ac superficiei morbo compositum; respectu quippe inflammationis Erysipelaceæ ad intemperiem calidam, respectu conjuncti tumoris ad auctam magnitudinem, respectu pustularum pruriginosarum cuticulam attollentium & exasperantium, ad morbos superficiei, deniq; respectu erosionis & exulcerationis ad solutæ unitatis morbos, Herpes referri potest.

IV.

Subjectum morbi diversimodi sustinet cuticula cum corpore reticulari, cute & carne proximâ, utpote quæ in Herpete exedente depasci solent: Causæ verò subjectum glandulæ subcutaneæ & extremæ vasculorum fluida catholica advehentium hucusque exporrectæ propagines

dici debent : emundtorium siquidem sanguinis universale integumenta corporis recte statuuntur, ob impedimenta enim vasorum, fibrarum, & pororum transeuntibus sequestrandis facilis mora hic neſtitur, prout aucto-
 rē, edoctus sum à *Speſtatiffimo Facultatis Medicæ h. t. Decano, Viro Præ-Nobiliffimo, Ampliffimo, Excellentiffimo & Experientiffimo D. N. D. MAURICIO HOFFMANNO, Med. D. & Prof. Primario celeberrimo, Sereniff. Eleſtor. & Marchion. Brandenburg. atq; Duc. Württemberg. ut & Reipubl. Noribergenf. Archiatro ſummè merito &c. Domino Patrono & Præceptore meo ad urnam uſq; de venerando, Sciagraph. Morbor. Contagioſor. Diſſ. XXXVIII. th. I. & 2.*

V.

Cauſa proxima exiſtit ſerum acre bilioſum falſum plus minus viſcidum, id eſt particulis lentis, pituitofis viſcidisqve permixtum, quod dum à ſangvine in glandulis ſubcutaneis deponitur, deinde ulterius ſeſe diffundit, & quidem ſi tenue fuerit ſeu ichoroſum verſus extimam cutis & cuticulæ ſuperficiem tendens, trajeſtisqve cutis meatibus laxioribus, ſub cuticulæ poris arctioribus coërceatur, hanc in veſiculas attollit plurimas, & Herpetem miliarem parit; ſi verò magis extiterit viſcidum, ob lentorem in glandulis ſubcutaneis diutius detentum, ſubſiſtens, ex longiori morâ majorem acrimoniam acqvirens, Herpetem erodentem, ſerum ſive exedentem gignit; utrumq; autem recentes chyli affluentes particulas pervertit, atqve noxiâ acrimonia falſa corrumpit, vel etiam lentore nocivo involvit, adeoq; per fermentationem quaſi contagioſam ſeſe multiplicat, ſicqve diatheſin morboſam ſatis pertinacem relinquit.

VI. Cau-

VI.

Causa antecedens quærenda est, in discrasia sanguinis & feri acri biliosa falsa, temperamento Cholerico-ichoroso, vel cholerico-pituitoso vitio hæreditario, ætate fervida juvenili, vel frigida senili.

VII.

Præterea autem symbolum morbificum hûc conferunt causæ procatarcticæ, nimirum aer fervidus & æstuans, serum acre biliosum fundens & ad habitum corporis exteriorem per pororum & meatuum in glandulis inductam relaxationem evocans; cibi acres falsi, aromatibus nimium conditi, fumo indurati, casei antiqui effus, potus vini generosi vel sulphurati, abusus Spiritus vini, motus corporis vehementior, vigiliæ pertinacissimæ, excernenda per transpirationem insensilem, sudationem, menses, hæmorrhoides, intermissam scarificationem consuetam, fonticulorum occlusionem &c. retenta, denique ira, mœror, curæ graves, & similia animi pathemata massam sanguineam exasperantia, vel ad stagnationem & lentorem pituitosum plus minus acrem eundem disponentia.

IX.

Progredior ad Signa Diagnostica, quæ facile colliguntur dum Herpes in sensus externos incurrit: quod ergo primum attinet Herpetem miliarem, talis cognoscitur ex pustulis in summa cute exiguis milio similibus, & sæpè prioribus sanescentibus novis subnascentibus, & serpendo sese diffudentibus, atque cum rumpuntur liquorem, inter saniem & pus medium stillantibus; porro loci affecti colore ex rubicundo & pallido misto.

Herpes autem exedens parva serpentinaque ulcera præ se fert, & foramina multa quæ tamen ultra cutem ut plurimum haud progrediuntur; quandoque tamen altius penetrant; Siquidem juxta *Cornelium Celsum* ulcus, quod ἑρπητα ἐσίονιδιον Græci vocant, celeriter serpendo, penetrandoque usque ossa corpus vorat: id ulcus in æquale est cæno simile, inestque multus humor glutinosus, odor intolerabilis, majorque quam pro modo ulceris inflammatio.

IX.

Præterea autem Herpetem ab Erysipelate exulcerato distingvere oportet, cum affinis similitudo utrumque intercedat affectum; id quod fiet, si attendamus, erysipelas conspicuâ defluxione derepente emergere, Herpetem verò sensim multoque tempore nec conspicuâ fluxione efflorescere; Herpetis pustulas magis aridas existere, iisque ruptis paucam vel nullam materiam affluere; ex erysipelate exulcerato multam humiditatem, & pus & saniem egredi, Herpetem pruritu, erysipelas verò dolore & ardore torquere; erysipelati semper febrem esse conjunctam, & breviter ac spontè aliquando solvi, contra Herpeti non adesse febrem, & diuturnam Herpetis semper curationem existere.

X.

Prognostica quod concernit signa, *Hippocrates Causæ Prædictorum II. XXI. 4. edit. Linden.* De illis hæc elocutus est: οἱ δὲ ἑρπητις ἀκινδυνότατοι πάντων ἐλκείων ὅσα νέμεται, δυσαπάλλακτοι δὲ μάλιστα, κατὰ γὰρ τὰς κρυπλὰς καρκίνους. Herpetes autem minimè omnium ulcerum, quæ depascendo proserpunt, periculosi sunt, verum maximè difficulter submoveri possunt, quemadmodum cancri occulti:

Quæ

Quæ Romanus *Hippocrates Celsus de re Medic. lib. V. cap. ultim.* similibus expressit verbis; omnis sacer ignis, ait, ut minimum periculum habet, ex his quæ serpunt, sic prope difficillimè tollitur. Et omninò rem ita sese habere confirmat experientia, in subjectis præsertim cachecticis & scorbuticis, ubi ob recrementorum acriorum salinorum copiam, & majores ad partes affectas affluxum, ulcera diuturna succedunt, difficillimè curanda.

XI.

Præmissis nunc illis, quæ ad theoriam hujus affectus erant necessaria, ad curationem nos accingimus, quæ ad sequentes dirigenda est indicationes: primò ut feri acris biliosi falsi plus minus viscidì ad glandulas subcutaneas cutem & cuticulam tanquam partes præcipuè affectas futurus affluxus inhibeatur, secundò quicquid ejusdem ad partes affectas jam affluxit evacuetur & corrigatur; tertio pustulæ & ulcera inde enata consolidentur & sanentur.

XII.

Primæ indicationi præter præsidia diætetica, sub calcem hujus dissertationis recensenda, conveniunt evacuantia, tam Pharmaceutica quàm Chirurgica; & inter pharmaceutica quidem in robustioribus inordinato victui & crebriori repletioni deditis, aut bilem volatilem superiora versus vergentem sentientibus, vomitoria e. g. Aq. benedict. Ruland. ♀ Emet. Mynsicht. Syr. Emet. Salæ, Oxyfacher. emet. Ludovic. Sapa vomitoria Sylvii, Gilla Theophrasti sive vitriolum vomitorium &c. præmissis, si in ventriculo quoque adfuerit lymphæ viscida, tenax, præparantibus, incidendi & resolvendi facultate præditi.

XIII. Ei-

XIII.

Eidem verò indicationi quoq; respondent purgantia, & quidem si serum biliosum tenue, minusq; viscidum fuerit, blandiora, e. g. Syrup. rosar. solitiv. simpl. & de Ambubeja dictus, Syr. de cichorio cum rhabarb. Extract. rhabarb. Elect. Cholagogen Sylvii, pillulæ angelicæ, pill. de fumar. pillulæ de rhabarb. pillulæ de ꝑro Qvercetan. &c. Extract. Cholagogen ejusdem &c. serositatis enim supernatantis natura ita est comparata, ut levioribus pharmacis facile cedat & evacuari queat, prout eruditissime demonstravit *Magnificus Univers. p. t. Rector, Vir Præ-Nobiliss. Ampliss. Excellentiss. & Experientissimus DN. JACOB. PANCRATIVS BRVNO, Phil. & Med. D. hujusq; Profess. Publ. famigeratissimus, DN. Patronus & Præceptor omni observantia colendus*; si verò serum biliosum magis viscidum fuerit, præmissis, vel usus tempore, demum admixtis digestivis idoneis, paulò fortiora, e. g. Extractum Catholicum Augustanor. Extract. panchymagogen Crollii, pill. Cochiae, pill. ꝑææ Bontii, Elect. de succo rosar. scammon. ad æß. & ultra cum Aq. Cichor. mediante trituratione in emulsionis formam redactum, & propinatum, resina Jalapp. ad æß. in ꝑ anisi vel electivæ Matthioli soluta, & dulcis stimuli loco pillulis aloëticis permixtus.

XIV.

Inter Chirurgica autem præsidia huc conferre poterint, Venæsectio, aut scarificatio, si utriqve patientes lassæti fuerint, aut fonticuli inustio, aut hirudinum venis sedalibus facta admotio, aut extremâ urgente necessitate, sicubi serum viscidum extiterit, etiam tentanda salivatio Mercurialis per inunctionem unguinosorum Mercurio vivo

vivo permixtorum , juxta receptam methodum institu-
tam ; hujusmodi siquidem auxiliorum ope serum morbi-
ficum educitur & imminuitur , sicq; copiosior ejusdem
affluxus , ad partes affectas futurus, simul prohibetur.

XV.

Indicationi secundæ cumprimis subserviunt diapho-
retica , e.g. absorbentia & invertentia , videlicet Bezoar-
dicum Solare, Martiale, Joviale, Minerale, Antimonium
diaphoreticum, C. C. absqve igne præparatum, Regulus
antimonii medicinalis , Terra sigillata , Unicornu fos-
sile, Ebur absq; igne præparatum, deinde sambucina &
opiata, e.g. Rob. Sambuc. Aq. Sambuc. Theriaca, Mithri-
datum, Electuarium diascordium Fracastorii &c. & si se-
rum biliosum magis fuerit viscidum , maximopere è re
esse poterit seqvens decoctum lignorum :

℞. *Rasur. lign. sanct. ʒj.*
juniperi.

Rad. Enul.

Chin.

Sarsaparill.

Scorzoner.

Gramin. ā ʒß.

M. & infunde per noctem in aquæ fontanæ ℥iiij. dein
coq. l. a. ad quartæ partis consumptionem , sub finem ad-
jiciendo

Rasur lign. sassafir. ʒiiij.

semin. fœnicul. ʒiß.

passular. minor. ʒvj.

cinamom. opt. ʒj.

Colaturæ clarificatæ adde

Syr. de fumar. ʒiß.

☞ ⊖ *ci succinat. ʒj.

Misce.

Clarissimus Johannes Munnicks in Praxi Chirurgica lib. I. c. 19.
decoctum sequens descripsit, diaphoreticum, & alvum
apertam servans.

℞. Rasur. lign. Quajac. ʒ iiij.
sassafr. ʒ vj.
Rad. sarsaparill. ʒ iʒ.

macerentur per noctem calidè in aquæ puræ ℥ v. dein f.
a. coq. addendo

Rad. laphat. acut. rec. ʒ iiij.
Herb. fumar. Mij.
chamæpit. Mj.
Pulp. colocynthid. ʒ j.
liquirit. ras. ʒ vj.
F. Colatur. ad ℥ iiij.

XIV.

Nec minus è re foret Infusum herbæ Theæ cū rasur.
lign. sassafr. qvotidie mane jejuno ventriculo sorbillando
epotum, aut Decoctum solius rad. Chin. & Sarsaparill.
cum passulis paratum, aut Serum lactis cum Conserv.
Rosar. palato suave factum. *Dn. D. Simon. Schulzius Mi-*
scellan. Natur. Curios. Decur. I. Ann. III. Obser. V. fe-
quens decoctum proficuum expertus est, sexies paratum,
& qvotidie mane & à meridie horâ qvarta ad ʒ ij. cum
syr. acetos. citr. ʒ ʒ. propinatum virgini, annos tredecim
natæ, subsecuto sudore, quæ Herpete miliari correpta,
per aliquot septimanas malè habuerat.

℞. Rad. Chin. pond. non lign. in taleol. sect.
sarsaparill. āā ʒ vj.
sassafr. ʒ iiij.
santal. citr. ʒ ij.

Infund. per horas 18. in aq. fontan. cal. ℥ iʒ. tum l. art.
decoq. in M. B. sub fin. decoct. adde

Cinamom. el. ʒ iij.

Liquirit. ras. ʒ j.

Colaturam per residentiam optimè depuratam, serva pro usu.

XVII.

Quoad III. Indicationem, primò pro recrementiciis particulis biliosis acribus falsis & ad cuticulam jamdum protrusis, & inter eam, corpus reticulare, cutem & carnem proximè subjectam commorantibus, solvendis, proliciendis & temperandis, balneum sequens medelam dabit.

℞. *Rad. lapath. acut.*

scrophular. ā ʒ iij.

Herb. fumar.

Folior. lapp. major.

plantagin. ā Mij.

Fior. verbas.

melilot.

chamamel.

sambuc. ā Mj.

Sem. lin. ʒ iß.

△ *viv.* ʒvj.

○ *crud.* ʒiij.

M. Incisa dentur ad chartam S. Species zum Bad.

Vel ℞. *Folior. Hyssop.*

Salv.

Plantagin.

Veronic. ā Mij.

Flor. Verbas.

Hyperic.

Chamamel.

Sambuc. ā Mj.

Baccar. laur.

juniperi ā ʒij.

Calc. viv. ℥ß.

☞ *crud.* ʒviij.

⊖ *marin.* ʒiiij.

Incis. & contus. gross. mod. M. D. ad chart.

S. ut ante.

Johannes Hartmannus in Praxi Chymiatricâ cap. 273. herpetem miliarem, ut & verum, testatur mitigare aq. calc. vivæ, si calidè cum petiis applicetur, addit verò, eandem adhuc potentiùs operari, si alumen dulce vel sacchar. ℥ni in ea fuerit solutum, qvòd si profundius malum serps-erit, & cutem exulceraverit, cremorem calcis vivæ ali-cui mundificanti admiscendum esse, sed & decoctum persicariæ, aut fol. rub. idæi ex aqua & vino Herpetes, præsertim tiliarum, non tantùm mundificare, sed et-iam ex toto sanare. Porrò nec minus mirificè prodesse solet pro abluendo herpete miliari seqvens:

℞. *Aq. pluvial.* ℥ij.

in quib. dissolv.

⊖ *commun.* ʒß.

vitriol. alb. ʒij.

Misceantur ad usum.

Johannes Heurnius in notis ad cap. IV. lib. VII. pathol. Jo-hannis Fernel. facem vini inter duo lintea applicatam pro secreto commendavit. *Amatus Lusitanus* in simili morbo mixturam ex succi plantaginis & solan. ā ℥ß. acet. ro-fac. ʒij. panno lineo intinctam malo superposuit & sæ-pius innovavit, vid. *centur. 2. curat. 37.*, sed cùm malum perseveraret cataplasma seqvens parari jussit:

℞. *Plantagin.*

Rosar.

Solan.

Caud. equin. āā Mj.

facta fuit decoctio in aq. sufficiente qvantitate, postea instituta colatura, prædictas herbas in mortario dein contundi mandavit, quibus addidit farin. hord. lentium āā ℥iij. vini granat. acid. ℥iij. demumque cum prædicti decocti qvantitate, ad mediocrem spissitudinem sufficiente, cataplasma paravit, atque applicuit, exulceratis autem pustulis visis, ad unguent. de plumbo devenit.

XVIII.

Interea pro ardore molesto demulcendo folia tussilaginis recentia imposita conferunt, prodest etiam pulv. cretæ cum lacte mixtus quod *ὁ μέγιστος* mihi præcipuè laudavit, *Vir Præ-Nobilissimus. Amplissimus, Excellentissimus atq; Experientissimus DN. JOH. MAURICIUS HOFFMANNVS Junior, Philosophiæ & Med. Doctor, Chem. atq; Anatom. Profess. publ. celeberrimus, Academiaq; Leopoldo-Imperialis Naturæ Curiosorum Adjunctus, DN. Præceptor, Fautor atq; Studiorum meorum Patronus æviternum de venerandus, colendus*; sic etiam lapis scissilis deprædicatur; vel

℞. Unguent. alb. Rhas. ℥j.

succi plantagin. ℥ij.

⚭ crud. pulverisat. ℥j.

M. f. Unguentum.

XIX.

Valescus de Taranta arcanum certissimum, à *Timæo* etiam confirmatum *Casuum Medicinal. lib. VI. cap. 10. p. 269.*, sequens posteritati reliquit. ℞. Lanam succidam ovis vel mutonis, torrefac in cacabo super ignem, donec sit nigra & arsa, tunc pulverisetur & distemperetur cum aq. rosarum donec sit quasi encaustum, cum quo scribimus,

& de hoc encausto benè spisso cum plumâ circumliniatur formica, id est herpes, & fiat linitio hæc bis in die aut ter: nempe in diluculo, vesperi, & in principio noctis; & panno lineo contineatur non stringendo. Memoravit autem idem Valescus, se non vidisse Medicinam in isto casu magis expertam, & constare ratione, quia desiccat & stringit: in quot locis herpes incipit, in tot fieri oportere linitionem, quia ægram partem curat desiccando, & sanam defendit stipticando & roborando. Contra tamen testatur paulò ante allegatus *Schulzius*, puellam prædictam tredecim annorum hujus arcani usum perferre non potuisse, sed post inunctionem de summo dolore conqueſtam fuisse, ut ea propter ipse tale substituere maluerit linimentum:

℞. *Rad. lapath. major.*

enul. ã ʒj.

contusa coquantur in sufficiente quantitate aceti ad formam cataplasmatiſ, trajectis per setaceum adde

⚄ *pulverisat. ʒiſs.*

○ *pulveris. ʒſs.*

Creta pulverisat. ʒij.

butyr. non ſalit.

unguent. roſat. Meſ. ã ʒx.

cera albæ parum.

M. f. linimentum.

XX.

De reliquo ut ulcuscula, in miliari superficialia, in exulcerato autem herpete altius penetrantia, consolidentur & sanentur, præcipuè conveniunt ſequentia: Unguentum ex lithargirio aureo & oleo olivarum ſine igne in mortario plumbeo longâ tritione mixtum, vel unguentum enulatum cum mercurio, vel unguentum de

de minio , vel unguentum diapompholygos, vel unguent. alb. camphorat. vel si malum pertinacius fuerit.

℞. Aq. plantagin. ℥ss.
 ℥ii sublimat. 3j.
 ⊖ *ci 3i℥.
 ⊖ commun. 3ij.
 ○ 3j.

Bulliant in phiolâ vitrea ad consumptionem quartæ partis, colatura pro ablutione adhibeatur, deinde imponatur seqvens ceratum *Hieronimi Fabricii ab Aquapendente* descriptum de tumoribus lib. I. cap. 20.

℞. Succu tabac. 3iiij.
 cera citrin. noviss. 3ij.
 resin. pin. 3i℥.
 therebinth. 3j.

Ol. myrtin. q. s. ad formandum ceratum molle.

Quod si verò ulcuscula in altum nimis serpsierint, unguent. seqvens filamentis aridis inductum ulceratis partibus admovendum, & appposito desuper cerato de cerussa, ne decadat, conservandum substituit *Johannes Scultetus Arm. Chirurg. part. 2. Obser. v. 89.*

℞. Cerat. citrin. 3ij.
 Ol. myrtin. 3vj.
 M. f. Unguentum.

Paulus Barbette in Chirurgia part. 2. lib. III. cap. VIII. in herpete pertinaci tale proposuit Unguentum.

℞. Lapid. prunell. 3j.
 Flor. ☿ 3℥.
 ⊖ hz 3℥.
 Ol. rapar. veter. q. s.
 M. f. Linimentum.

Jam verò ut Curatio hucusque proposita laudabilem fortiatur eventum, Diætam sequentem ut observet æger necessarium erit: Nimirum is *primò* versetur in aëre temperato frigido & humido, qualis si naturâ haberi nequeat, arte paretur, cubiculum gelida aquâ, vitium foliis & capreolis, salicum ramulis, rosis, violis, rubi germinibus, & id genus aliis subinde aspergendo, ex consilio *Eustachii Rudii de humani corporis affectibus externis lib. V. cap. 16. secundo* ex cibariis lactuca, cucurbita, portulaca, acetosa, oriza, ptisana hordeacea, & similia sangvinem refrigerantia assumantur, contra dulcia, acria, aromatica, fumo indurata relinquantur; pro potu concedatur aqua hordeacea aut decoctum aliquod epiceraisticum; *tertiò* quies præ motu vehementiori admittatur; *quartò* vigiliæ immoderatæ coërceantur; *quintò* excernenda per alvum, urinam, sudorem, transpirationem insensilem, menses, hæmorrhoides &c. promoveantur; *sextò* denique animi pathemata immoderatum tum corporis tum animi motum inferentia, & præsertim iracundia crebrior, omni studio vitentur.

S. D. G.

E R R A T A potiora,

quæ propter festinationem remanserunt, B. L. haud gravatim ita corrigat.

Pag. 1. in præfatione lin. 7. pro *dum* crescit, leg. *decrescit*. ibid. lin. 13. post accipi adde possunt, pag. 3. lin. 11. pro Zonæ, leg. Zonæ. pag. 5. lin. 1. pro discrasia leg. dyscrasia. pag. 6. lin. 6. pro in æquale, leg. inæquale. pag. eadem lin. 17. pro affluere, leg. effluere. pag. 8. lin. 14. post colendus adde in Remoris ac Impedimentis purgationis *Exercit. IV. Th. 35. pag. 94.*